

QVÆSTIO MEDICA

Cardinalitiis disputationibus manè discutienda in Scholis Medicorum, die Jovis 27. Martii.

1337 1637

M. ÆGIDIO LE BEL Serenissimæ Aurelianensium Ducissæ Medico primario, Præsidente.

An ab animi pathematis sanitas deterior?

TOTUS homo ubique passio est; omni ejus parti, licet non omnibus ex æquo, obvia; cunctis imperita animalibus exquisito sensu & motu, imò impotentior acutiori ratione præditis, ad mali fugam, bonique studium. Sua ideo cuique est animanti mirabilis partium compages, brutis quibusdam non minus stupenda quam homini, cuique à parentibus cum semine traduces animi; cuique par corporis & animi per spiritus vinculum, sensuum & rationis idem nexus; fors eadem necis & vitæ: nullumque non intelligit sapientie animal, interdum minus homine fallitur & insanit bellua, cui si desit sermo, quidni organi culpa? illi demas immortalitatem animæ (cujus celestis origo) sacris sanctam paginis, à quibus recedere nefas & piaculum, nihil est aut parum discriminis hominem inter & belluam: in utroque motus à musculis, sensus à nervis, quos edunt corpuscula spirituum nomine insignita; qui dum aliter atque aliter ab objectis excitantur, excubiis aut internunciis similes, alias atque alias rerum renunciant sensationes, aut placidas, undè gaudium; aut graves, undè dolor. Quorsum? hic scilicet rerum species à veteribus malè excogitata: reportatum cerebro talem aut talem motum accuratè pendit animal, volutatque animo; si jucundum, lætatur & colit; si molestum, contristatur & fugit; si volupe, admovet corpus ut insectetur; si triste, removel ut aspernetur & declinet: illincque pro diversis objectorum moribus, quibus foris intrò, intrò foras concitantur spiritus, varii suscitantur affectus. Cave tamen credas, machinæ instar nihil ex se molientis, impelli animal, non adigunt objecta, sed pellicunt; movent, nec necessarii promonent; putato potius judicem æqui bonique consulturum; sic quod uni ingratum, alteri gratissimum, quod uni odio est, alteri amori. Si efflagitas quid & undè passio, in promptu responso; motus est & quidem valens appetitus sensientis seu rationalis ex apprehensione boni & mali cum insigni cum corporis tum animi mutatione non naturali. Hinc nemini data perfecta sanitas & sapientia, quia nulli *animæ*, ne quidem Stoica, quæ cachinnis digna æquè impossibilis ac inutilis. Cupiditatem in jecore, *quodam* in corde, appetitionem reris communem in cerebro, cupidiam in ventriculo, & in telibus libidinem, tanquam in propriis constitutas peculiariter sedibus, tibi fudeas vera signenta, passim sparguntur & ipsæ: irascitur non nunquam caput, & temulenter aut luxuriosè concupiscit, pacato corde, languido hepate, & funerata venere; adultera tamen est illibato corpore; & crudeliora voluit facinorosa puris integrifque manibus.

UT corpori, sic animo nec parcent morbi nec Paræ; illo pœnè illece, hic irà furit, timore stupet, verecundiæ cespitat, amore insanit, mœstitiâ languet, ambitione delirat, odio vesanit, zelotipiâ bacchatur, cunctarumque affectionum communione, & cognitione frangitur, & esse desinit: quarum exasperatio, ægritudinis nomine apprimè donata, natalium & *idoneis* est loboles, undè gaudere debent, si qui sunt benè nati *ambus*, raræ aves in terris, diique potius quam homines: trahit sua quemque voluptas etiam nolentem, & quempiam fugat malum etiam volentem. Quod exquisitiori sensu discunt animalia, eò perturbantibus magis exardescunt, quas ipsa effrenatius exasperat vegetior ratio: hinc nullus est in homine ingenioso modus, rustici urbanis, nudus aulicis temperiores; delirantes & stupidi nihil persenscent. Quid ergo profunt homini mens, animus, ingenium, quæ idem sonant, brutisque communia, si numeras alias quam à natura data calamitates suâ culpâ sibi ascecat: nudus collachrymanque confendit terram, omnibus animi affectionibus nullâ curabilibus arte irretitus: in pueritia meticulosus, in pubertate veredundus, in adolescentia libidinosus, in juvenute ambitiosus, in constanti ætate negotiosus, in senectute avarus. Ab incunabulis, dum fugit cum læte pravo fatæ nutricis mores, seu affectiones, vaginibus divexatur: à pubere artibus, negotiis, studiis, vel armis, aut studiosè, aut odiosè captus, discruciat; & alios distorque dicit: tandem velit nolit, ut vivat, ut discat, vigilet, fuderque necessum est. Huc illum adegit natura, redegitque fortuna, ut citra sudorem & laborem fame vel paupertate pereat. Jam curæ palam emergunt insaufi hujus omnis avertendi gratiâ, nullaque non prodit malorum mensura. Hinc furor Maris concitat inanem gloriolæ cupidum: illum scindit auri sacra sitibundaque fames: nonnullum angit inexplabilis dominandi cupido: in foro lites rodunt verba vendentem rabulam: exercent rura colonos ultra sudorem: in ædibus anxietates inauspicati connubii premunt: purpuratos justitia terrens exul torquet sibi conficiis: dilaniantur dum præcipies ruunt aulici, vanâ & tædiosa gratiarum expectatione decepti: mercatorum aviditatem deludit aviditas: lacerat dum salubralitatem, imò & veteratorem spes incerta lucri, alienique cupida boni: regeque gemunt sub pondere regni: fortunamque sui cuique mores & passiones parant. Næ tu ergo quæseris, quam mihi quam tibi sortem natura dederit, expande animi perturbationes, in quas mens inclinata recumbit, quarumque impetus cuncta ministrat mala: affectibus agimur, nec solliciti possunt curæ mutare raros animi motus, quidquid patitur mortale genus; quidquid facinus, venit ex illis; primusque dies dedit extremum.

UT ætatis, sic sexui, regionibus, locis, temporibus, tempestatibus, conditionibusque suæ sunt propriæ & pœnitenter connexæ animi commotiones, cogitationum, opinionumque hominis authores, (primus in orbe deos fecit timor,) consiliorum ejus regulæ, (video meliora proboque deteriora sequor, satur Medea:) actionumque leges, (est oratione voluntas, & sunt pro voluntate animi affectus:) qui ita in humanam veniunt carnificinam, & sanitatis detrimentum, ut tunc sui tantum juris videatur animus, cum sui non est compos. Feeminas viris ad eos propensitis proclives, insulsi gaudium, homines interrim morer; utroque è medio tollit merus: feeminas, quibus pulchritudo, unica cura, amor, unica sollicitudo; libido, unicum opus, pro naturali dore, vitrea fragilitas, & in levitate constantia; saltus inde, sequiturque superbia formam; nec mora nec requies contempta injuriâ formæ. Viros seceus honos jugulum ostentare adigit: virorem renovat per damna famem exlex & ingeniola falsa lagenas inter & computationes: urit utrique miserum ambitio pectus, quâ jura pudorque, nec conjugii sacra fides arcent feeminas, & quæ viros cogit vestibulis foribusque potentum excubare, & sanitatis dispendio commercia pœcere honorum. Nec mirum si vita brevis, quibus est plena curæ, hoc est animi perturbationibus, quibus, inquam, casta fides, ut Penes, hodie non firmior Anglis, inexplabilis avaritia, ut Arabibus, Hollandis nunc familiaris, innata temulentia, ut Thracibus, ad septentrionales incolas hoc tempore delapsa, vanitas immoderata, ut Græcis, Hispanis impræsentiarum intima, indefessa luxuria & mollietas, ut Leontinis, quibus tota post modum obruta fuit Italia, sollicitate ambitio, & præceptis lubricisque bellandi cupidum, ut olim Romanis, ad Gallos hoc seculo devoluta. Quid plura: omnis regio, omnis civitas, omnique populus variis scæter cupiditatis, affectibusque, quarum pro temporum vicissitudine novo immergitur æstu; sic postridiæ Roma jugulat, quem pridè suspiciebat & deperibat Cæsarem: sic vere animantium natura libidinis cæstro percita, frigit hyme: sic dives fastu, jactatione miles, perjurio leno, adulatione aulicus, loquacitate sophista, fucata pietate hypocrita, larvato pulchre impudens, personatâ pudicitia mocha, ementia enpræque nobilitate plebeius, & quisque tandem suo torquetur genio & accisimo, cruciantque leves animum & corpora causæ, & quocumque apicis nihil est nisi mentis imago peturbata.

NATURA, nulli animanti noværa, brutis pro magistrâ, arte, lege, & medicinâ, errat rarenter, sepulchre aberrat in homine: quod hanc ducem non insequatur, sed insidiosè pareat rationi. Hinc undecumque huic patet amplissima calamitatum feges, quas me herculè à se amoveret, si hanc benè monentem auscultaret, sic innocens brutis edicatis, hominum plus jugulat gladius quam gladius? sic Hirco libido, Delphino lascivia, Passeri salacitas, Sui bulimia non offiunt, hominemque interimunt: qui virtutis & vitii, eruditionis & inscitie, paupertatis & divitiarum, iniquitatis & justitiæ, necis denique & vitæ insensenter jactatur certaminibus: quem, inquam, devorant tædium, spes vana rodit, absumit mœstitia, conficit livor, sollicitant confanduntque opiniones, terrent jura legesque, fortuna torquet, cruciat fatipavor, atque exest anxius angor, ignota ferè nec insensa belluis pathemata: O ter quaterque beatas feliceque bestias, quas affectionum harumque cura aut parum aut nullatenus angit: & quæ dum hominis insunt animo gehennæ, quæ corpori insident tormenta, fusque deque, horsumque vorsum spiritus exagitant, aut eorum remorantur impetum, sanguinis motum plus æquò festinant, ejusque dant vitio substantiam; calorem nativum præter naturalem certumque modum accendunt; corporis æconomiam & temperiem invertunt, omnemque morborum lernam invehunt. Hos vincire & vincere Demones educatos ne tentes, labor est improbus, & humanæ supra sortis opus: deorum est, motos animi componere fluctus; absit ut dicam heroum, videlicet Alexandri, unus cui non sufficit orbis, quique ardet, æstuat, furitque alterius mundi victoriâ, & de quo etiam indomito ædum est ad Bacchi Venerisque conspectum. Nec tuis confidas virtutibus, quæ affectibus haud sunt immunes: imò sua cuique affectioni debetur virtus, ambitioni magnanimitas, vanitati sapientia, utrique sæpè sæpius pietas, contumaxque religionis zelus, iræ fortitudo, metui castitas, philautia temperantia, verecundia modestia, ne quid dicam præterea: ipsamet virtus eximie temperie proles, affectio est, quæ noctes atque dies animum intimaque penitus medullas gloriæ vorat stimulis, undè ut gaudii ludus, sic sapientiæ sustinet, pariterque virtutis vitium occupat extrema. Hoc in vasto perturbationum gurgite, tantis periculis ærumnis superest homini nastrago læstia, sola salutaris affectio, dum ponat modum letis; capitale enim fuit quibusdam nimium titillari. Cedat ergo ludus atrox gaudium, dum fata sinunt, vivat hilaris & exultet. Vis benè valere, sanari, beari, læteris: vis diu & dulcè vitam degere, curas tolle graves, & irasci crede fatale, unâ & contristari: voluptati & lætitiæ indulgeas, dummodo ne quid nimis; carpe diem; Heracliti irride planctus, sit denique tibi pro omni affectione, sapientiâ, & medicinâ gaudium, & si lubeat Democriticum.

CADUCA valerudo, suspensæque hominis sanitas, cujus impatiens sui æger est animus: seviunt in corpus ætate passionum vices, & excepto gaudio, vel levissimum earum motus offit, afficit impetus, inscit excessus, altasque agunt morborum radices. Quid? sæva Cupido tragediarum non movet in corpore ac in animo, dum morborum ut malorum scæter iliade, & secum serpit in viscera vulnus: furentem amore huc & illuc feruntur & prosiunt spiritus; pulsus inæqualiter spe metuque inæqualis, amatorius nuncupatus; per venas meat visceribus ignis merus; qui sanguinem tenuat, ultro calcasit, comburique; quo æstu tacito torrentur humores: hinc scædat amantes pallidus color; nec somni faciles; adducitque cutem macies; languet ciborum appetentia; depravatur concitio; hysterica seviunt symptomata; & insans libidinis scenam adornat periclitata medullitis Syphilis, nullis radicibus medicabilis herbis. Iræ venæ tument, genæ rubent, aut pallent, quod pejus, scintillant oculi, quæ regitur nocentior, furit feritque æstus, mentem subigit, amoverque; exurit calorem nativum, aut dissipat; bilis, quæ exæstuat irâ, maximus proventus; pulsus citior, febres diariæ & tertianæ frequentes, putridæ quoque non raro invalescunt. Dum mens formidine pressa, obstupet, rigent comæ, & vox faucibus hæret; frigidus sudor occupat artus, ossa quatit horror; vires effæta exolvuntur; pedibus tamen timor addidit alas; derepentè canescunt expavidi; errore concidunt mericulosi; vitamque sepe cum morte commutant; quid pejus. Epilepsiâ, ullâ fere ineluctabilis arte, quam pueris nec raro ætate provecioribus invehunt terribilimenta. Tristitia, humanæ vitæ venenum, pedetentim corpus conficit; calore nativo ad proprios lates refugio, cor comprimitur; hinc fugit ore color; lentescit arteriæ motus; spirituum, cruoris & humorum commætu intercipitur; hinc frequentes febres, præsertim quartanæ, Icterus, Cacoehymia, uteri Phlegmone, Strangulatio, Abscessus, Schirrus, Ulcus, Carcinoma, Cancer, Melancolia, Lycantropia, Epilepsia. Odio torquetur pectus, divellitur stomachus, edulia putrent, corrupta evomuntur, pulsus minor, celer, & inæqualis, ructus ridorulentus, nausea, vomitus. Fallit unumquemque credula spes, desiderii æscela; cujus desultorio motu salunt spiritus, huc & illuc ruunt velocius; citior sanguinis motus, effervescit ejus substantia, sitque nequam, & alendis paribus impar; undè Liphymia, Syncope, Rhumatismi. Qui ergo fieri potest ut rectè valeat & sanitate fruatur amore incensus, metu percussus, spe inquietus, mœstitiâ fessus, odio turbatus, percitus irâ, hore tortus; sanitas abest turgida morbis; nebula mens est vindicque frenis, hæc ubi regnant.

Ergo ab animi pathematis sanitas deterior.

Affectat Parisiis GUYDO ERASMUS EMMEREZ, Parisinus Baccalaureus Medicus. A. R. S. H. 1681.

